

上方大洞真元妙經品
唐明皇御製序

朕聞寥廓之際 真宰存焉 溟滓之初 聖人利見 其教善貸而
不有 其道日用而惟新 則煥乎雲篆仙書 祕乎瑤篇玉簡 非握圖
授錄之后 不能行其教 非棲真宅玄之士 不能窺其文 明真有科
太上留誠 為務度人 歸依大道 是者真元聖主 上方開化無極
太上靈寶天尊 居一氣化均之天 九清自然之國 翠華闕庭 紫真
宮掖 升千光雲殿 登七珍寶座 俯視蒼生 崇猷或略 於是天
尊宣揚教範 命真仙之眾 傳經化人 誦之者履天尊之域 行之者
遊太上之鄉 故 洞玄靈寶太上天關經 云 上方玉虛明皇天尊
見輕清之形儀 衣蒼穹之冠履 運春夏秋冬之動植 主君臣父子之
枯榮 統三界仙凡修短 禍福增減 是以圖立形儀 欲世民歸命
信禮而求長生 仍可敬之 伏聞稱讚上方天尊 懺文欽哉 至聖至
真 五境出三羅之界 無顛無頂 八方朝七寶之宮 統黃上之天元
鎮中央之地極 威光奕奕 神德巍巍 精叩感通 至誠善應 如
人禮念恭信 則見存獲福 香花供養 則已往生天 普願歸依 同

上方大洞真元妙經品

清微藏書閣

成道果

上方大洞真元妙經品

爾時 明皇開化天尊 於宣教上國 以謂太素清虛真人 及毗
相恆善度人之眾曰 昔在十極之天 五明之宮 吾聞諸先聖啟迪
大洞真元 虛無杳冥 自然恢弘 一素生神 九陽化氣 皇矣至道
明哉肇君 羅列三才 曲成萬類 真元本體 應運頤長 故道以
人為物 人以道為用 是以化世聖人 法象乎高明 久習其靜 恆
鍊其氣 務升降調泰 洎精味安和貴 唯一毓於妙有 雄一承於真
無 寒暑溫凍 徇月令嗇 擬全歲久之宗 惟用日新之道 方當改
過 先行孝悌 次也敬恭 增進玄功 事師教道 昭三成一 夫以
性明庸炤而不有 道氣襲傳以長存 慈巽慈 順也 四叔之時物
輔府 百姓之自以 而僕僕遵同 其國士 敬其君親者 斯諸為上
成也 以順其天命 安其分定 積其功行 修其身體者 斯為之中
成也 以立相開教 傳經度人 還元知止 隱居市朝者 成之以終
也 三者悉備 夫安得不至於真元 真元大化 其自所為 為志惟
清 臨事惟裕 藏其可名 谷其純氣 宜敬之哉 蓋徐刃切 進也

如道德 道德二義之奧 復太初之源 善行五常之表 援極終之弊 內外隨時 竟昉胥行 惟茲者二 奚不念之 真元之教 弗至也歟 所以俟福而來 可得長生之道 若反是者 罔不咎焉 已而亡言 帝登于天 於是真人以告天人曰 凡進尊道 先解障難 如願解禳 可誦十號 咸謂上方經師君 天仙君 真元教主 自然法王 弘道上帝 開化至尊 上方遍慈救苦天尊 上方玉虛明皇天尊 上方無極太上靈寶天尊 上方無極太上道德天尊 斯尊謚者 著於化均 神仙受師之紀 善人行道之經 禮念欽崇 則見存獲慶 香花敬事 則已往陞遷 偶其功德力 能消災除病 救苦滅罪 保命降魔 斯道矣夫 將行者也 仙眾承教 熙熙如也 高上其訓 而作偈曰

明哉上聖誥 皇矣冲和道
度人兼利物 稱讚師玄奧
偕聞其誨言 終焉也已
洞真經遠品 爰自上世以來 玄都道藏經 內 有數妙達聖
神峰先生曰

上方大洞真元妙經品

清微藏書閣

經終逢天寶典 為仙家之奧 然文簡略 其可皇祕 迺三墳之樞 亦七部之蔽爾 此經亦如 古文龍虎上經 隱在 金碧經 中 蓋三洞經者 迺洞真之部 洞玄之部 洞神之部 其四輔經目 名太玄之部 太平之部 太清之部 正一之部 通為七部之經也 其伏羲氏之書者 易 也 神農氏之書者 本草 也 黃帝氏之書者 內經 也 是為三墳之書矣 言大道也 其三墳七部體要 先聖傳之久矣 所謂 玄通道德經 及乎左玄真人關尹子書 通玄真經 文子 洞靈真經 亢倉子 冲虛至德真經 列子 南華真經 莊子 也 擬達艾生 日新其道者之所致也 於是理則備矣 其可為重玄也已矣 舍茲而通 如之何 豈其然乎 以知經義 亦全斯論 肇自祖傳 受天玄誥 莫敢不敬 以尊上命 昔寢夢同寐中神游 紫虛真人攸降請訓 導之以善化也 嘗聞先師之言 大道無為 生之長之 成之熟之 神化于自然 故聖人有作 種之植之 頤之收之 謹由于智力 偕隨物矣之宜 豫備時哉之用 撫養形神於冲默 庶幾真元於象罔 君哉至道 迺萬化之父母 浩然和氣 為一身之主宰 是以陰陽不測之謂神 德行圓滿之謂仙 觀其富貴壽考 厚

味色聲者 人權之鮮矣 聞其虛靜恬淡 寂寞無為者 天樂之至也
達天地之好惡 哲人物之情態 為之神明之士矣 故淵寂微湛之
謂清 安泰息潔之謂靜 通生萬靈而無匱者 道之體也 保和三宮
而亡事者 人之用也 時習廣驗者 先聖之妙也 度人巨理者 今
師之經矣

上方大洞經 也者 其見天迪之化行 昭妙有之玄晶 真無之
元氣焉 故生生相繼 新新奚既矣


仙經神應品

青雲居士曰 夫人身生長氣壯 衰老化已 時哉命矣 易推自
然 其有應之以善德則吉 或違善失德者則凶 德猷獲也 得獲真
元之道 善者是也 是合天人之心 如人隨力修崇 可於每歲三月
初三之日 迺真元仙節之辰 焚香禮誦真元經者百遍 準納受生冥
錢一萬貫文 逮誦萬遍 能釋三世音生 冤枉 亦感上天明神仙兵
之眾 永保介壽 得祉無難 如誦九千遍者 即得延生增祿 不致
天枉 如誦七千遍者 即得富貴聰明 不居貧賤 如誦五千遍者
值太平時豐 吉祥安樂 如誦三千遍者 即當歸依道寶經法師尊

上方大洞真元妙經品

清微藏書閣

可免屠割水火之難 如誦一千遍者 即得免疾病弱 不致憂懼 如
誦千遍 即得身體輕健 免醜惡相 如誦千遍 即得赦罪消愆 解
厄受福 不逢惡運 免諸災害 如誦千遍 即得保身盡年 神升上
方 朝拜高真 逍遙快樂 夫然故書消災解危玉符佩之 聖道矜憐
其次歿身 不經地府 即祖鈞天 敬禮慈尊 慈尊施惠 其大矣
哉 爰及生民 歸于仙界 不貴其徒 墮諸幽壤 人斯犯忌 猶為
援拔 見教開導 警誡真元之化也 如人聽受 可於每歲聖王仙節
朱書玉符 佩之則地渙其六極 吞之則天既其五福 其符也者
可弗敬歟 是經為巨道 信之為而已矣



後序

時師逍遙 與太清羽客詳議曰 夫 上方開化經 及乎 演範
者 誘引初地修行之人 其次 真元經 者 化導中品明玄之

士 又其次 大洞經 迺出世之梯航 皇登真之徑路爾 右 大洞
經三十九章 道君玉註 微妙難識 故上方天尊祖述演說經傳于世
惟務度人矣 原經大義 先聖偕言人而內外之道也 其內靜也
運沖和之氣 先進道德仁義禮 則明 明則寡欲 寡欲則奚為而奚
不為 其外動也 由柔遜之心 次去其恐怒喜思憂 則正 正則知
止 知止則無可而無不可 然後四體生焉 三主全矣 於是可遠
害 可以保身 而考終命 其返真宅 誠哉善言 不可忘之 斯之
為真元之道 無極者也 逍遙門下 下愚陋生 不敢著名 命工刊
印 欲醞天地星辰聖君 父母師長重恩 所望高士 啟發懼心 弘
揚勸善 同躋仙域 寂然承德 履元道也

上方大洞真元妙經品竟

天運壬辰年子月正一天師清微弟子洪鼎堅羅大英恭錄彙編

上方大洞真元妙經品

清微藏書閣